



Agathe Fontain, Inuit Ataqtigiit
Inatsisartunut ilaasortaq
/Maani

Akileraarutitigut nalikilliliinerit pillugit § 37 naapertorlugu apeqqu tip 2015-202-p akineqarnera

Allakkap ullulerneqarfia: 17-08-
2015
Suliap nr. 2015 - 7303
All. nr. 867353

Asasara Agathe Fontain.

Aningaasarsianit akileraarutit pillugit inatsimmi nalikilliliisarnernut malittarisassanik 2012-imi allangortitsinerit pillugit apeqqu tigisannut pingasuusunut qujanaq.

P. O. Box 1037
3900 Nuuk
Oqarasuaat +299 34 50 00
Nassitsigasuaat (+299) 34 63
50
E-mail: oed@nanoq.gl
www.naalakkersuisut.gl

Apeqqu tinik tullerriaarisimanerit malillugu apeqqu tigisavit akineqarneri ataani takuneqarsinnaapput.

- 1. Nalikilliliissutigineqarsinnaasut pillugit malittarisassiat allangortinneqarneri kingullit 2012-imeersut nunatta karsiata aningaasaqarnikkut iluanaarutissaattut naatsorsuutigineqartut anguneqarsimappat?**

Akissut: 2012-imi allanguinerit aallaavigalugit iluanaarutissatut naatsorsuutigineqartut anguniakkanut naapertuuttuunersut naatsorsorniassallugit periarfissaqanngilaq tamanna pillugu malunnaatilimmik suliniuteqartoqarsimangippat. Akerlianilli ukiut allanguiffiusut sioqqullugit kingornagullu ingerlatseqatigiiffiit aamma namminersorlutik inuussutissarsiuteqartut naatsorsuutaat misissortariaqarnissaat tamatuma kingunerisinnaavaa.

- 2. Nalikilliliissutigineqarsinnaasut pillugit malittarisassiat allangortinneqarneri kingullit 2012-imeersunut atatillugu naatsorsuutigineqarpoq inuussutissarsiornermik ingerlatsiviit mikisut inuussutissarsiornermillu ingerlatsiviit akunnattumik angissusillit pitsaanngitsumik eqqorneqannginnissaat anguneqassasoq. Naatsorsuutigisaaq eqquutsinneqarsimava?**

Akissut: Apeqqu tigineqartumut siullermut akissutigineqartoq innersuussutigalugu nalunaarutigineqassaaq suliffeqarfinnut mikinerusunut akunnattunullu tunngatillugu allanguinerit sunniutaannut naatsorsuinerik suliaqartoqarsimangimmat.

- 3. Nunatta karsianut qanoq akeqassava § 23, imm. 4, Aningaasarsianit akileraarutit pillugit Inatsisartut inatsisaata allangortinneqarneranik Inatsisartut inatsisaat nr. 9, 3. december 2012-imeersoq, allangortinneqassappat inuussutissarsiornermik ingerlatsiviit nutaanik pigisanik aningaasaliivinnilu nalikilliliisinnaalersillugit. Ullumikkut § 23, imm. 4 allassimavoq: imm. 2, nr. 3-mi aamma 4-mi pigisanik taaneqartunik tunisinikkut naliusut nalikilliliissutigineqarsinnaasup sinnerna**

qimmussimappassuk, nikingassut naatsorsugaq ukiumi aningaasarsiorfiusumi tassani isertitat ilanngunneqassaaq". Siunnersuutigissavara allassimasoq allanngortinneqassasoq allassimalersillugu: "Pigisanik tunisinikkut naliusut assigisaallu imm. 2.-mi pineqartut, nr. 3 aamma nr. 4 tunisinikkut naliusut nalikilliliissutigineqarsinnaasup sinnera qimmussimappassuk, tamakkiisumik nikingassut naatsorsugaq inuussutissarsiornermik ingerlatsiviup nutaanik nalilinnik aningaasaliinerinut atorneqarsinnaavoq."

Akissut: Aningaasarsianit akileraarutit pillugit inatsimmi § 23, imm. 4-p siunnersuutigineqartut allanngortinneratigut iluanaarutissanit annaaneqarsinnaasut pillugit paasissutissat pigineqartut tunngavigalugit missingiisoqarnissaanut periarfissaqanngilaq.

Aallaaviatigut ilimagisariaqarpoq namminersorlutik inuussutissarsiuteqartut ingerlatsinermut atortunik pissarsinissaminnut ingerlaavartumik aningaasaliisassasut isertitaqarnermikkut tamakkununnga pisinissamut periarfissaqarnertik naapertorlugu. Assersuutigalugu ilimagineqarsinnaavoq biilimik tunisineq pisassasoq biilimik nutaamik pisinermut atatillugu. Taamaammat siunnersuutigineqartut allanngineq namminersorlutik inuussutissarsiuteqartut aningaasaliinerannut tunngatillugu killeqartorujussuarmik sunniuteqartussaavoq.

Ilisimatitsissutitut nalunaarutigisinnaavara sapaatip akunnerata tullianiit aallartittumik inuussutissarsiortut akileraaruserneqarnissaannut siunnersuutip qanoq pisariaqartinneqartiginerata misissuiffiginissaa pillugu GE-mik suleqateqarneq aallartissamat, tamatumunngalu nalikilliliisarnermut tunngasoq ilanngunneqassaaq.

Inussiarnersumik inuulluaqqusillunga
Med venlig hilsen

Andreas Uldum